

臺灣省立美術館藏書目錄

111

崇禎存實疏鈔目錄

崇禎六年正月

初一日

吏部一本

又一本

工部一本

初二日

兵部一本

又一本

戶部一本

又一本

又一本

推陞年深官員事

復文聖王周延儒題陞曾楚卿等陞遷府事以參事

督事

題推陞西都轉運鹽使司運使

清又洲場等事

題南京直政主事錢以式周巡下江州縣各官勅部紀錄

校款計窮等事

題夷僧三至劇遼官王乞勅督撫各鎮防範

塘報事

題山東巡撫塘報孔賊打草丁水手格殺該撫招之

銀盾額例等事

題漕船淺溜水漲管銀當裕欠數宜抵

遼餉徵解愆期等事

題看加派戴泰金克紀權授陞處元日開復

防禦戰守等事

題秦中勅局尚虧該省新餉再留士萬撫軍

都察院覆事劄都御史趙寧等本

考察事題御史劉士楨浙江巡按覆後覈稱

戶科給事中馮元颺一本

銓務正在更新等事題參禮部侍郎王應熊

巡撫山東朱大典一本

叛首被戮等事題逆首李九成被刃亟調淮

廣西道試御史郭必昌本

春滿三陽等事題陳子泰等俱蒙復役各周

巡視遼東等衙門給事中秦南順等本

察叅拖欠等事題光祿寺錢糧人解甚多

初四日

兵部一本

塘報事題總兵黃龍塘報孔幸三賊圖避金謀

又一本

類報捷音事覆宣天總督張宗衡塘報音賊

又一本

防禦戰守等事覆陝西總督題秦寇蕩平驛

監視薊鎮東協太監張國元一本

船戶盜賣官糧等事題船戶石候盜賣官豆

又一本

會報關門實收等事題道陳璘會開洛表文

督發關寧援兵太監高起潛本

塘報事題塘報韓天等密東城中忠義隨

太常寺卿周邦璟等奉

遵旨奏報事

題本寺牲價五年分免欠乞勅禮
工部奏賜

巡視庫藏科等衙門繪畫寫景等奉

察然未完額解等事

題十庫錢糧勅部奏欠欠近
各官催解到治

戶部一本

錢糧外甚多等事

覆南京主錄寺題議裁廢明友
職名分別題奉

又一本

錢糧外甚多等事

題各官撫糧請報到主各錢糧察
算數有

吏部尚書臣李長庚等謹

題爲推陞年深官員事文選清吏司案呈崇禎伍年拾貳月
貳拾日奉本部送吏科鈔出少傳兼太子太傳吏部尚書
建極殿大學士周延儒題前事內稱吏部左侍郎兼翰林
院侍讀學士加貳品服俸曾楚卿詞臣參品中資俸最深
卽佐銓亦將及叁年合當陞轉臣等擬將本官量陞禮部
尚書兼翰林院學士協理詹事府事充

實錄副總裁官又坊局史官中資俸久深者有右春坊右庶子
兼翰林院侍讀雷躍龍翰林院侍講加俸壹級張四知臣
等擬將雷躍龍量陞詹事府少詹事兼翰林院侍讀學士
張四知量陞右春坊右中允兼翰林院編修伏乞

勅下吏部察照施行等因伍年拾貳月貳拾日奉

聖旨是吏部知道欽此欽遵鈔出到部送司相應炤覆來呈到部既經該司具呈前來相應覆

請合無將曾楚卿陞禮部尚書兼翰林院學士協理詹事府事
充

實錄副總裁官雷躍龍陞詹事府少詹事兼翰林院侍讀學士
張四知陞右春坊右中允兼翰林院編修恭候

命下臣部行令各欽遵到任管事施行

崇禎伍年拾貳月貳拾柒日

陸年正月初壹日奉

聖旨是

吏部尚書臣李長庚等謹

題爲缺官事文選清吏司案呈炤得河東陝西都轉運鹽使
司運使帶理北岸中場姚繼崇致仕員缺合當推補案呈
到部炤例推舉得貴州平越軍民府知府陳達雲南鶴慶
軍民府知府陳開泰俱堪陞任河東陝西都轉運鹽使司
運使帶理北岸中場伏乞

聖明於內

簡用壹員

計開

陳達

陳開泰

崇禎伍年拾貳月貳拾柒日

陸年正月初壹日奉

聖旨有點的依擬用
正有點

工部尚書臣周士樸等謹

題爲清丈洲場遵例舉劾以裕

國課以肅官嘗以飭蘆政事屯田清吏司案呈奉本部送工
科鈔出南京管蘆政屯田清吏司主事錢以式奏前事內
稱崇禎肆年貳月內奉本部題管蘆政察覈蘆課係供
上用袍服及

郊

廟城垣修理之費肆年正當大丈之期除上江一帶前任主事

吳國模分年清丈具奏外所有下江一帶州縣衛所移會
巡江御史吳善謙通行各州縣衛於肆年拾壹月內水落
洲見之時親詣應天揚州鎮江常州等府及和州無爲州
橫海等衛所屬州場地方循岸履畝細加抽丈凡淤漲者
陞課隱匿者清畝接生者起科變生者改則新生者納價

坍塌者開除所歷者壹拾捌州縣衛而揚州府各州縣又以水淹難施清丈所有清丈事宜陸續嚴催各屬冊到詳加磨勘遲至伍年捌月下旬始得竣事乃敢

奏報今臣所丈者增出洲場壹拾伍萬貳千叁百壹拾畝柒分貳釐課銀肆千叁百陸拾伍兩貳錢玖釐新洲佃價壹千柒百捌兩伍分俱備冊呈堂具

奏外竊炤先任管理蘆政官於抽丈役竣遵奉

欽依將所委丈量江防同知各州縣衛官逐一論敘以別勤惰謹據實確陳除和州知州孫克明廬州府無為州知州李春華上元縣知縣官成江寧縣知縣鄭九炯如臯縣知縣楊觀吉已經陞黜去任崇明縣洲場據該縣申文產歸會計課入條編每年止額解子粒銀兩未有清冊無憑增減

湖廣黃州府蘄州衛黃梅廣濟貳縣課銀向經題留爲

荆府建造之用邇年不行解部洲場未有增減俱不薦敘外
訪得廬州府江防同知阮近賢精明任事謹凜存心丈洲
積有勞勩陞除蔚起賢聲揚州府江防同知陳良言明能
燭隱威足禦姦拮据公事如家軫念民饑錄已鎮江府海
防同知署丹徒縣事莫之光定力斧囂澄神察隱雖當凋
罷積逋之鄉能見錯節盤根之用揚州府通判署儀真縣
事楊之屏肯綮備嘗機宜具悉定則輕車熟路清欺苦乃
寬解通州知州陳大對目擊汪洋心存

國計陞除調於至和上下皆咸利賴江都縣知縣吳弘功琮
璜粹品干莫長才算畝月懸洲渚陞除雷豫江陽武進縣
知縣程九萬畝課已清經界旣正肅肅風清葦野湛湛露

溢蘭陵句容縣知縣李芳聯原隰洞形隱深察影棄利悉
收於鱗罔遺姦無鼠於狐城丹陽縣知縣王範清安挺王
英穎脫雖肥磽洞察情形高下盡成則壤泰興縣知縣陳
瑞民瘼必疏姦欺必剔於潯漾浩淼之中定坍漲陞除之
準江浦縣知縣黏洪錄礪力方新經營若素徵解全完課
額陞除靡失鍼芒六合縣知縣謝命賞青年力敏幹辦心
貞履畝而民因爲蘇清罔而模糊能洗已上諸臣皆身親
丈勘督造清罔奉事維勤所當一併薦揚以備紀錄擢用
者也蓋臣之職掌止此蘆政則所憑以覈實者亦止此蘆
政不敢過爲吹索亦不敢曲爲游揚伏乞

勅下工部再加察議如果臣言不謬將阮近賢等移咨吏部紀
錄擢用以彰激勸等因具奏於本年拾月貳拾肆日奉

聖旨工部知道欽此又於工科鈔出南京工部尚書靳於中奏
爲遵奉

明旨清丈洲場以肅蘆政事據主事錢以式呈前事緣繇將丈
過州縣衛場分別原額新增開除實在數目造冊呈乞

奏繳等因到部批司覆察明白具奏本年拾月貳拾伍日奉
聖旨工部知道欽此又於工科鈔出巡按直隸監察御史倪成
章奏爲遵奉

明旨數陳理財切要以仰裨

國計事奏同前事於本年拾月貳拾貳日奉

聖旨工部知道欽此通鈔到部送司案呈到部該臣等看得蘆
政錢糧備供

上用袍服及

郊廟城垣修理之用厥政綦重故事

勅雷都部司董理每伍年壹巡丈更立考成以別完欠法至密也但姦豪凡遇坍塌則報部豁額有生漲則欺隱以肥私故清丈不可不嚴巡歷不可不遍而考成之法尤不可不肅也卷察前項錢糧舊額伍萬伍千柒百柒拾兩貳錢又見徵子粒銀壹萬陸百玖拾貳兩玖錢柒分今題委管蘆政主事錢以式按年巡丈周歷下江拾捌州縣衛減輿從絕供應拮据履畝清丈州場增減開除井然條析釐剔姦欺不遺餘力較舊額增出洲地壹拾伍萬貳千叁百有奇課銀肆千叁百陸拾伍兩有奇新招佃價壹千柒百捌兩伍錢備將州縣衛各官論敘開列薦揚以備紀錄擢用本官實為克稱厥職無負任使者矣所有開列各州縣官相

應准與紀錄以彰激勸臣仍恐各官別有降罰卽令該司
移察吏部據文選司開稱察得廬州府同知阮近賢鎮江
府同知莫之光揚州府通判楊之屏句容縣知縣李芳聯
武進縣知縣程九萬泰興縣知縣陳瑞江浦縣知縣黏洪
錄以上察無叅罰揚州府同知陳良言考功司付任俸通
州知州陳大對戶部咨降職壹級江都縣知縣吳弘功戶
部咨降職叁級丹徒縣知縣王範戶部咨降俸壹級六合
縣知縣謝命賞戶部咨降職貳級註載明白或新經有無
叅罰開復事在戶部非本司所預知也等因移覆到司復
呈到臣爲炤各部課官止因其職彼善於此則亦善之而
已原不問別部之叅罰今據蘆政主事錢以式所開紀錄
擢用府佐州縣各官增地增課著有勤勞有裨蘆政自當

從其所請但文選司開稱未經叅罰者止廬州府同知阮
近賢等柒員炤例紀錄自不可泯其揚州府同知陳良言
等伍員見在降罰雖功過各不相掩然旣已彰彰如是臣
等何敢槩擬其欽所當并列緣繇以聽

聖裁者也旣經該司案呈前來理合題覆伏乞

勅下臣部移咨吏部將阮近賢等分別紀錄臣部仍行南京工

部及咨南京都察院轉行巡江御史一體欽遵施行

崇禎伍年拾貳月貳拾柒日

陸年正月初壹日奉

聖旨是